

გაეროს პროგნოზი
სააზიის რეგიონის
კლიმატოლოგიური
სამსახურის განცხადება

დღეს მოსალოდნელია დროგა-
 მოუვებით წვიმა, ცვალებადი მიმარ-
 თულების ქარი - 10-15 მეტრი წამ-
 ში, ტემპერატურა სანაპირო რაიონე-
 ბში - 13-18, მთიან რაიონებში -
 10-15 გრადუსი სითბო. ზღვის წყლ-
 ის ტემპერატურა 11 გრადუსია, ატმ-
 ოსფერული წნევა - 762 მილიმეტრი.
 ხვალ ამინდი შენარჩუნდება, მო-
 მდევნო 2 დღეს მოსალოდნელია უნ-
 აღეყო ამინდი.

მოქალაქეთა ინტერესები მაქსიმალურად აისახება სამინისტროს პროგრამებში

აჭარის ჯანმრთელობისა და სოციალური დაცვის მინისტრმა ნინო ნიუარაძემ პირველ მოადგილე მარი ზანაქიძესთან ერთად, სამინისტროს პროგრამების შესახებ მაქსიმალური ინფორმირების მიზნით, მორიგი შეხვედრა გამართა ბათუმის რესპუბლიკური კლინიკური საავადმყოფოს ექიმებთან და მენეჯერებთან

კლინიკა ჩართულია სამინისტროს შემდეგ პროგრამებში - ავთვისებიანი სიმსივნით დაავადებულ პაციენტთა დამატებითი სამედიცინო მომსახურება, სახსრების ენდოპროთეზირება, ინდივიდუალური სამედიცინო დახმარება, ზოგიერთი სოციალური კატეგორიის მოსახლეობის სამედიცინო მომსახურების თანადაფინანსება და ამბულატორიული მალტექნოლოგიური დიაგნოსტიკური კვლევები.



ვიზიტის ფარგლებში მინისტრი პედატრიულ განყოფილებაში არსებულ სამედიცინო სერვისებს გაეცნო. ჩვენი შეხვედრების მიზანია როგორც სამინისტროს პრო-



გრამების შესახებ მოსაზრებების გაცვლა და პროგრამების დახვეწის მიზნით სამომავლო ხედვებზე მსჯელობა, ასევე, არსებული საჭიროებების ადგილზე გაცნობა. მსგავსი ტიპის შეხვედრებს სისტემატური ხასიათი აქვს, რათა მოქალაქეთა ინტერესები მაქსიმალურად ავსახოთ ჩვენს პროგრამებში, - აღნიშნა ნინო ნიუარაძემ.

მინისტრის თქმით, 2024 წელს 25 მილიონ ლარზე მეტია გათვალისწინებული ჯანმრთელობის დაცვის მიმართულებით, გაიზარდა თითქმის ყველა პროგრამის ბიუჯეტი და გაფართოვდება მოსარგებლე პირთა ჩამონათვალი. დაიწყო ზოგი-

ერთი აუტოიმუნური დაავადების დაფინანსება და მეტაბოლიზმის დარღვევების მკურნალობა მაღალტექნოლოგიური მედიკამენტებით.

აჭარის მთავრობის გადაწყვეტილებით, დაიწყო მასშტაბური სამედიცინო ინფრასტრუქტურული პროექტების განხორციელება. რესპუბლიკური საავადმყოფოს ბაზაზე აშენდება პედატრიული დეპარტამენტის, დიალიზის, ასევე, №1 პოლიკლინიკისა და სასწრაფო სამედიცინო დახმარების ცენტრების ახალი შენობები, ფთიზიო-პულმონოლოგიური დეპარტამენტის შენობას ჩაუთარდება რეაბილიტაცია.

პოლიტიკურად აქტიური კვირის პერიოდიები

«ჩვენ არ შეგვიწყვია
 კომუნიკაცია
 მთავარ
 მოკავშირესთან -
 ქართველ
 ხალხთან»

ახალი მსოფლიო წესრიგის ზღვარზე...

«ჩემი ყოველი დღე ბრძოლა და
 ომია»

ქაუშათს თავისი სახლის
 უნდა დაუბრუნდეს და ერთ-ერთი
 თვალსაჩინო ტურისტული
 დანიშნულების
 ადგილის განდევნა

ISSN 2720-8702

9 772720 870003

გამოინერეთ გაზეთი «აჭარა»!

ვისაც სურს მიიღოს მაქსიმალურად ზუსტი ინფორმაცია და ობიექტური ანალიზი არა მარტო ჩვენი რეგიონის, სრულიად საქართველოს პოლიტიკური, ეკონომიკური, სოციალური და კულტურული ცხოვრების მთავარი მოვლენების შესახებ, შესაბამისი თხოვნით მიმართოს სადისტრიბუციო ორგანიზაციას «ბათუმი ექსპრესი» (ქ. ბათუმი, ჭავჭავაძის ქ. №90, ტელ: 555 86 12 21). მისი დახმარებით

თქვენს მისამართზე მიიღებთ გაზეთ «აჭარის» ყოველ მომდევნო ნომერს.
 გამოიწერეთ და ითანამშრომლეთ გაზეთ «აჭარასთან»! ჩვენთვის ძვირფასია თითოეული თქვენგანის აზრი! წამოჭრილი პრობლემების შემთხვევაში დაგვიკავშირდით: 577 20 43 55.

„ქალებს ყოველმხრივი განვითარების შესაძლებლობა გვქვია“

ოთარ ცინაიძე 599 85 21 14

რუსუდან შამაძე შუახევის მუნიციპალიტეტის მერის მოადგილეა. ცხოვრებისა და შრომის სანტიტერესო და შინაარსიანი გზა განვლო. პედაგოგის პროფესიასთან ერთად, იურისტის პროფესიასაც დაეუფლა. სხვადასხვა წლებში მუშაობდა ქართული ენისა და ლიტერატურის მასწავლებლად, ჩანჩხლოს საშუალო სკოლის დირექტორად, არჩეული იყო შუახევის მუნიციპალიტეტის საკრებულოს წევრად, საკრებულოს თავმჯდომარის მოადგილედ, თავმჯდომარედ. წინა ხელისუფლების რეჟიმთან დაპირისპირების შემდეგ, საქართველოს საპატრიარქოს ხიჭაურის წმინდა გრიგოლ ხანძთელის სკოლის პედაგოგად და შუახევის რესურსცენტრის სპეციალისტად იმუშავა. თითქმის 10 წელია, შუახევის მუნიციპალიტეტის მერის მოადგილის პოზიციაზე საქმიანობს.



ის ტურიზმისა და კურორტების მართვის დეპარტამენტის თავმჯდომარის თინათინ ზოიძის არჩევა. ჩვენ ამ ნდობას საქმით უნდა ვუპასუხოთ. არ დავიწყებ იმის მოყოლას, თუ რა გზა გამოიარა ქართველმა, თუნდაც ჩვენი რეგიონის ქალმა, დედამ დღემდე. დღეს კი ზოგიერთები, ქვეყნის შიგნით თუ მის ფარგლებს გარეთ, ცდილობენ, თავს მოგვანვიონ ქართველი ქალისა და დედისთვის მიუღებელი ფასეულობები. ჩვენი სიძლიერე, სისხლითა და ბრძოლით მოპოვებული, დღემდე მოტანილი ღირებულებების გადარჩენაშია, ეროვნული სულისკვთების გაძლიერებაშია. მე მარტო საჯარო მოხელე როდი ვარ, ღირსეული ოჯახი მყავს. 2 შვილის დედა ვარ. წუთისოფელში იმისთვის ვარ, რომ მათ ეროვნულ ფასეულობებზე დაფუძნებული ქვეყანა დავეუბნო. ჩემი თაობისთვის დალოცვები ძვირად ღირებულნი საამოვნება იყო. რაც ჩვენ გადავტანეთ, მომავალ თაობას ვერ ვუსურვებთ. დედების შემოძახილს ყველა დროში შევძლო ერის გამოფხიზლება. ახლაც უნდა შემოვუძახოთ ერთმანეთს.

კონფერენციაზე ითქვა, რომ „ქალების ვალია, მამაკაცებთან ერთად, აქტიურად იყვნენ ჩართულნი ქვეყნის მომავლის მშენებლობაში“. ასეც არის და იქნება კიდევ. შუახეველი ქალები ფორუმზე ამ განწყობით ჩავედით და უკან დაბრუნებულბიც ამ განწყობით შევედეთ საქმიანობას. წინაპრების დანატოვარი მოვლა-პატრონობას ითხოვს. - რამდენიმე საპასუხისმგებლო თანამდებობა გვქირათ. რომელ პოზიციაზე მუშაობა იყო თქვენთვის მნიშვნელოვანი, საქმე, რომელიც ქვეყნის მომავალს სასიკეთოდ წაადგა? - სკოლა ჩემთვის განსაკუთრებულია, ვერ ველევი. რამდენიმე სასწავლო საათი ისევე ავიღე ჩანჩხლოს საჯარო სკოლაში. ბავშვებთან ურთიერთობით განსაკუთრებულად ბედნიერი ვარ. ილია ჭავჭავაძე ამბობდა: მამული, ენა, სარწმუნოება. მამულს ვპატრონობ, ენას - ქართული ენისა და ლიტერატურის მასწავლებელი, ვიცავ, წინაპრების ღირსეული მრწამსი დავიბრუნე. გამარადული დედისეული სოფელია. ჩანჩხლოში ვარ გათხოვილი, მაგრამ ორივე სოფლის ეზოს ვუვლი, არ ვავერანებ. - თანაკლასელ გენადი დიასამიძესთან ერთად შექმნილი ოჯახი, წლებია, ერთად მოდიხართ... - არჩევანში ორივეს გავვიმართლა. კარგი შვილებიც აღვზარდეთ, ორივეს საკუთარი გზა არჩეული აქვს. - სიმართლის მთქმელ პიროვნებად გიცნობენ. რამდენად მომგებიანია ეს? - ჯერჯერობით, სიმართლე ამართლებს. ასევე გავაგრძელებ. ორპირობას მეგობარსაც კი ვერ ვაპატიებ.

ქობულეთის დაცულ ტერიტორიებზე კულტურული მემკვიდრეობის საგანძურის სტატუსის მისანიჭებლად სპეციალური კომისია მუშაობას იწყებს, თუმცა საბოლოოდ ახალი სტატუსი იუნესკომ უნდა მიანიჭოს. ასევე, დაგეგმილია სამეცნიერო დოსიეს მომზადებაც, რომელიც თავის დროზე მსოფლიო ბუნებრივი მემკვიდრეობისთვის მომზადდება.

ლანდშაფტების ეკოლოგი იზოლდა მატუტაძე განმარტავს, რომ კვლევები 20 წლის განმავლობაში მიმდინარეობდა, ახალი სტატუსის მისაღებად კი დაახლოებით ერთი წელია საჭირო. ქვეყნის ოთხ დაცულ ტერიტორიას, მათ შორის ქობულეთის ნაკრძალს 4 წლის წინ მსოფლიო ბუნებრივი მემკვიდრეობის სტატუსი მიენიჭა. მსოფლიო მასშტაბით, ბუნებრივი მემკვიდრეობის სტატუსი სულ 213 უბანს აქვს მინიჭებული.

თეორიულ-პრაქტიკული ტრენინგები დაიწყო

რეგიონში სერვისის გაუმჯობესების მიზნით, აჭარის ტურიზმისა და კურორტების დეპარტამენტის ორგანიზებით, ტრენინგები დაიწყო. დეპარტამენტის ინფორმაციით, პირველ ეტაპზე, თეორიულ-პრაქტიკულ ტრენინგები განთავსებისა და კვების ობიექტების მიმტანებს უტარდებათ. კერძოდ, მაგიდის სერვირება, სტუმრისთვის კერძებისა და სასმელების შეთავაზების სტანდარტები, შეკვეთის მიღების წესები, კონფლიქტური სიტუაციების მართვა, სტუმრების მისაღობა და მაგიდასთან მიმატიყება. ეს იმ საკითხების მცირე ჩამონათვალია, რომელსაც მიმტანები ტრენინგებისას გაეცნობიან.



სსპ/სსპ/სსპ

შოთა ხარაზიშვილი

გარდაიცვალა დედაწამილი პედაგოგი შოთა ხარაზიშვილი. დაიბადა 1946 წლის 23 მარტს ბათუმში, მოსამსახურის ოჯახში. დაამთავრა ქალაქის მე-17 საშუალო სკოლა, 1969 წელს - ბათუმის შოთა რუსთაველის სახელმწიფო უნივერსიტეტი. 40 წელი კეთილსინდისიერად იმუშავა ბათუმის სასოფლო-სამეურნეო ტექნიკუმში - პედაგოგად, დირექტორის მოადგილედ აღმზრდელი ობიექტის დარგში, ხოლო შემდეგ ტექნიკუმის ბაზაზე დაარსებულ ბათუმის სახელმწიფო სასოფლო-სამეურნეო ინსტიტუტში სასწავლო ნაწილის უფროსად.



მოუნახა სინტერესოდ დაწერილი მონოგრაფიები, სტატიები უურხალ-გაზეთებში. კეთილსინდისიერი შრომით ბატონმა შოთამ სიცოცხლეშივე დაიმკვიდრა მოწინავე პედაგოგის სახელი. მისი ნაყოფიერი მოღვაწეობა შეუმჩნეველი არ დარჩენია ზემდგომ ორგანოებს - მინიჭებული ჰქონდა აჭარის დამსახურებული მასწავლებლის წოდება, დაჯილდოებული იყო: „სახალხო განათლების წარჩინებულის“ სამკერდე ნიშნითა და იაკო გოგებაშვილის მედლით; გამოცხადებული აქვს საქართველოს პრეზიდენტის, საქართველოს განათლებისა და სოფლის მეურნეობის სამინისტროების მადლობები, მაგრამ მისთვის ყველაზე დიდი ჯილდო იყო ის სიყვარული, რასაც მის მიმართ აღზრდილები გამოხატავდნენ. მისი ცხოვრება იმის ნიმუშია, თუ როგორ უნდა ემსახურო მშობელ ქვეყანასა და ხალხს.

ავლებლის წოდება, დაჯილდოებული იყო: „სახალხო განათლების წარჩინებულის“ სამკერდე ნიშნითა და იაკო გოგებაშვილის მედლით; გამოცხადებული აქვს საქართველოს პრეზიდენტის, საქართველოს განათლებისა და სოფლის მეურნეობის სამინისტროების მადლობები, მაგრამ მისთვის ყველაზე დიდი ჯილდო იყო ის სიყვარული, რასაც მის მიმართ აღზრდილები გამოხატავდნენ. მისი ცხოვრება იმის ნიმუშია, თუ როგორ უნდა ემსახურო მშობელ ქვეყანასა და ხალხს.

აჭარის სოფლის მეურნეობის სამინისტრო, ბათუმის შოთა რუსთაველის სახელმწიფო უნივერსიტეტი

აღიარებული მესნიერი და ორბანიზატორი

მე-8 გვერდიდან

ბატონი გურამი განსაკუთრებით ყურადღებას აქცევს უმაღლესი განათლების კადრების აღზრდას. სამეცნიერო-კვლევითი და საგანმანათლებლო პროცესების ინტეგრაციის პროგრამის და ინსტიტუტის მატერიალურ-ტექნიკური ბაზის ეფექტიანად გამოყენების მიზნით, 1992 წელს სამეცნიერო კვლევების პარალელურად, მან ჩამოაყალიბა უმაღლესი სასწავლებელი. ინსტიტუტი წარმატებით გადაიდა ლიცენზირების და აკრედიტაციის პროცესს. ისწავლებოდა სხვადასხვა სპეციალობა, პრიორიტეტი ენიჭებოდა რეგიონული ეკონომიკისთვის საჭირო კადრების მომზადებას. აღზარდა და მოამზადა ათობით მეცნიერი (კანდიდატი, მაძიებელი და დოქტორი). მრავალი მისი აღზრდილი დღეს მეცნიერებასა და სხვადასხვა სამეურნეო სფეროში მოღვაწეობს. გ. პაპუნძის გამოქვეყნებული აქვს 170-მდე სამეცნიერო ნაშრომი, მათ შორის, 20-მდე მონოგრაფია, არის 12 გამოკვლების ავტორი. 1990 წლის ოქტომბერში, პირველი მრავალპარტიული არჩევნების დროს, გ. პაპუნძე გახდა საქართველოს უზენაესი საბჭოს დეპუტატი, ხელი აქვს მოწერილი საქართველოს დამოუკიდებლობის აღდგენის

აქტზე, არის ქედის საპატიო მოქალაქე. დიდა მისი, როგორც აღიარებული მეცნიერის, თვალსაჩინო საზოგადო მოღვაწის, ღირსეული მამულიშვილის, ჭეშმარიტი პატრიოტის, სამაგალითო მოქალაქისა და ახალგაზრდობის გულისხმიერი მასწავლებლის დამსახურება ქვეყნის წინაშე. იგი ყველა ვითარებაში გამოიჩინა განსაკუთრებული ყურადღებით, მეგობრული თანადგომით, დახმარებით. ამიტომაც შეიყვარა ხალხმა და უდიდესი ავტორიტეტითაც სარგებლობს. ოჯახიც სამაგალითო აქვს - ჰყავს მეუღლე - ლიანა მიქელაძე, ორი შვილი და ექვსი შვილიშვილი. გამოვხატავთ რა განსაკუთრებულ სიყვარულს და მადლიერებას, გულითადად ვულოცავთ ბატონ გურამ პაპუნძის დაბადებიდან 80 წლისთავს. ვუსურვებთ ჯანმრთელობას, დიდხანს სიცოცხლეს, ახალ შემოქმედებით წარმატებებს, კეთილდღეობას და ბედნიერებას.

სამართლებლო მემკვიდრეობა მკრთველი აპაღვიძა, სამართლებლო სოფლის მეურნეობის მემკვიდრეობა აპაღვიძა, ბათუმის შოთა რუსთაველის სახელმწიფო უნივერსიტეტი

გაზეთი «აჭარა» ბთავაზობთ ნებისმიერი სახის ღიზინერულ მომსახურებას, ღიზინის თანამედროვე სტილში გადაწყვეტას, რეკლამის გაფორმებას, შერჩევას. ღიზინის დამზადების მსურველებმა მიმართეთ გაზეთ «აჭარის» სარეკლამო სამსახურს. ტელ: 27 48 93.

მთავარი რედაქტორი მარიანა მითაიშვილი	გამომგვამი რედაქტორი ირმა შერვაშიძე ლიტერატურული რედაქტორი ეთერ სომარიკი	რედაქცია პასუსს არ ავებს უცხოური პრესიდან თარგმნილი მასალების, ფაქტების, ინფორმაციის სიზუსტეზე, აგრეთვე სარეკლამო განცხადებების შინაარსსა და სტილზე. ნიშნით აღნიშნული სტატიები იბეჭდება რეკლამის უფლებით. რედაქციაში შემოსული მასალები ავტორებს არ უბრუნდებათ.	გამომცემელი - შპს «ბანკიტი აჭარა და ალპარია» კოორდინირებული მომსახურება - შპს «კოლორ პრინი» მის: ქ. თბილისი, ქ. ბაღდაშვილის ქ. №3	მისამართი: 6000, ბათუმი, ბრიგოვოვოს ქ. №2 ტელ: 27-13-31 ანიშო და დაპაპრონა გაზეთი «აჭარის» კომპ. ცენტრი დასაბუჯად ხელმწიფილია 4/04/24, 18 წ. სთ.	დირექტორი გამუკა პერიკი
---	---	---	--	--	--



მსახელოს ოჯახი - ორკესტრს

ზაქარია ფალიაშვილის სახელობის სამუსიკო სკოლის დიდ საკონცერტო დარბაზში ბათუმის სახელმწიფო მუსიკალური ცენტრის სიმფონიურმა ორკესტრმა, მანესტრო დავით მუჭერიას დირიჟორობით, კლასიკური მუსიკის საღამო გამართა. ეს ორკესტრი ჯერ კიდევ 1978 წელს ოთარ თაქთაქიშვილმა დაარსა, ათი წლის შემდეგ კი მისი მთავარი დირიჟორი დავით მუჭერია გახდა (ორკესტრს შავს, ასევე, მეორე დირიჟორი მამუკა ალაფიშვილი).

ურთულესი პროგრამა შესთავაზეს მსმენელს - ფონ ვებერის უვერტიურა ოპერიდან „ობერონი“, ბეთჰოვენის უვერტიურა „ეგმონტი“ ფა-მინორი და ბეთჰოვენის სიმფონია №5 დო-მინორი, რომელსაც შესანიშნავად გაართვეს თავი. 60-კაციანი ორკესტრიდან, ნახევარი ადგილობრივი მუსიკოსია, ნახევარიც - თბილისელი და ქუთაისელი. როგორც დავით მუჭერიამ აღნიშნა, მათ ახარებთ, რომ საღამოზე დასასწრებად ყველა თაობის მსმენელი მოვიდა.

- ჩემი მუსიკოსებით ძალიან კმაყოფილი ვარ, უდიდესი ენერგეტიკა, მუხტი მოდიოდა, რაც ძალიან მნიშვნელოვანია. ჩვენი სალაპარაკო ენა მსმენელთან არის მუსიკა და თუ მან ეს ენერგეტიკა იგრძნო, ეს იგი, ჩვენ გავიმარჯვეთ. სავსე დარბაზი და, განსაკუთრებით, ახალგაზრდა მსმენელების სიმრავლე იმაზე მიუთითებს, რომ ჩვენს ქალაქს მათი სახით ხვალ კიდევ უფრო გემოვნებიანი მსმენელი ეყოლება. მნიშვნელოვანია, რომ ახალგაზრდობა ღირებულ მუსიკაზე იზრდება. მიხარია ისიც, რომ გაზაფხული ასეთი დატვირთვით დავიწყეთ და შევეცდებით, სამომავლოდაც არ გავიცრუოთ იმედი. მსმენელს მოეწონა კონცერტი, თუმცა უკმარისობის გა-

ნცდა ყოველთვის გვაქვს და ეს ასეც უნდა იყოს, რათა შემდეგ კიდევ უკეთ გამოხვიდე. წელს ორკესტრი დატვირთულია როგორც სიმფონიური კონცერტებით, ისე საგანმანათლებლო პროექტებით, რაც დიდ პასუხისმგებლობას გვაკისრებს, რადგან ურთიერთობა ბავშვებთან, სტუდენტებთან გვაქვს. აპრილის ბოლოს ორკესტრი ისევ წარსდგება ბათუმელი მსმენელის წინაშე, დაუკრავს შუბერტის მერვე სიმფონიას და შუმანის საფორტეპიანო კონცერტს. მსმენელის წინაშე არა-

ჩვეულებრივი პიანისტი თათა ლიჩელი წარსდგება, - გვითხრა დავით მუჭერიამ, რომელმაც მადლობა გადაუხადა როგორც მსმენელსა და ორკესტრანტებს, ისე სამუსიკო სკოლის დირექტორ ნინო ჩაიძეს, რომელიც წლებია ორკესტრს უსასყიდლოდ უთმობს საკონცერტო დარბაზს.

- გულწრფელად ვულოცავ ჩემს ქალაქს დღევანდელი კონცერტის ასე არაჩვეულებრივად ჩატარებას. მოვისმინეთ სიმფონიური ორკესტრისთვის დაწერილი შედეგები, საკმაოდ რთული რეპერტუარი, რომელიც დარბაზმა კარგად მიიღო. მსურვალე ტაშში, გულწრფელი ოვაცია რამდენიმე წუთს

გაგრძელდა, - აღნიშნა რევაზ ლაიძის სახელობის სამუსიკო სკოლის დირექტორმა ნატო ორაგველიძემ.

- შესანიშნავი ორკესტრია, შარშანაც დავესწარი მის კონცერტს. ასე ახლოს ორკესტრთან არასოდეს ვმჯდარვარ, მიველი ორგანიზმი ენერგიით ამევსო. ძალიან მომეწონა ორკესტრიცა და პროგრამაც, - გვითხრა უკრაინელმა ნატალია პანოვიჩმა.

მაყურებელს არ გამოპარვია, რომ კონცერტი სცენიდან თავიდან ბოლომდე ორკესტრის უცვლელმა „წევრმა“ ცუფო მართამ „მოისმინა“, რომელიც არცერთ რეპერტიციას არ „აცდენს“.



შეხვედრა - ლადო შარაშიძისთან




გახტანე დღონტის სალონური საღამოს მორიგი სტუმარი ბათუმელი მხატვარი ლადო შარაშიძე გახლდათ. ის ცნობილი მხატვრის ლადო შარაშიძის შვილიშვილია, თუმცა უმცროსმა ლადომ თავისი სიტყვა მხატვრობაში დიდი ხანია თქვა. ქეშმარიტმა ბათუმელმა არა მხოლოდ ნიჭიერებით მოხიბლა ყველა, არამედ სიკეთითა და ადამიანურობით

...ბათუმის სამხატვრო სკოლის შემდეგ, თბილისის სახელმწიფო სამხატვრო აკადემია დაამთავრა და იქიდან მოყოლებული, აქტიურად მუშაობს ფერწერაში, გრაფიკაში, დიზაინში. გამართა რვა პერსონალური გამოფენა, მათ შორის, ბათუმში, თბილისში, სტამბოლში, გენოვაში, კრემსში, ვილნიუსში. მონაწილეობდა 78 ჯგუფურ გამოფენაში როგორც საქართველოში, ისე უცხოეთში, კერძოდ, თურქეთში, ბულგარეთში, ამერიკის შეერთებულ შტატებში, დიდ ბრიტანეთში, უკრაინაში, ავსტრიაში, აზერბაიჯანში, რუსეთში, პოლონეთში, ლიტვაში, ლატვიაში, შვეიცარიაში, საფრანგეთში, გერმანიაში, იტალიაში. მისი ნამუშევრები ინახება ეროვნულ მუზეუმსა და 34 ქვეყნის კერძო კოლექციებში.

ბათუმურ შეხვედრას მხატვრის მეგობრები, კოლეგები, ახლობლები ესწრებოდნენ. აღინიშნა, რომ მართალია, ბაბუის შემოქმედებამ დიდი გავლენა იქონია მასზე, მაგრამ ლადო შარაშიძემ საკუთარი „მე“ დიდი ხანია, წარმოაჩინა. ის ამჟამად ერთ-ერთი ძალიან აქტიური მხატვარია. ლადო შარაშიძე ძალიან უყვართ და აფასებენ. როგორც მისმა სტუდენტობის დროინდელმა მეგობრებმა აღნიშნეს, იგი ისეთი მეგობრული, თბილი, თავისი ქცევებით გამოჩენილი იყო, რომ გულში ჩაიხუტეს და დღემდე ერთად მოდიან.

- ლადოს ძალიან დიდი პატივს ვცემ. ის ჩემთვის ახლობელი ადამიანია. მისი ნამუშევრების სილამაზით სულიერ მოთხოვნილებას ვიკმაყოფილებ. ძალიან გემოვნებიანი მხატვარია. მიხარია, რომ მისი ნახატი მეც მაქვს, - თქვა ქორმაისტერმა ქეთევან მანელიშვილმა.

- მის ნამუშევრებში მეტწილად ქალაქია აღბეჭდილი. მე ქალაქგარეთ ვცხოვრობ. თუ ლადო მესტუმრებდა, შესანიშნავ ნამუშევრებს შექმნის, რადგან მთელი ქალაქი ხელისგულზე ჩანს. ვთავაზობ, ამოიყვანოს მოსწავლეები და აქედან დანახული ბათუმის პეიზაჟები შექმნან. მხატვრები ჩემთვის ძვირფასი ადამიანები არიან და ყველას სიამოვნებით გუმასპინ-



ეკარანზე ლადო შარაშიძის არაერთი საინტერესო ნამუშევარი ვიხილეთ.



ძლებ, - აღნიშნა აჭარის ჩოხოსანთა თავკაცმა თენგიზ თავდგირიძემ.